

1977

L

1093

Continu 7a

Le. 315

Oratio

Anrede vnd vormanunge / zu denen
Großmechtigisten Durchleuchtig-
sten / Auch Durchleuchtigen vnd durchleuchten
hochgebornen Fürsten vnd Herren / Herren
Ferdinandum zu Ungarn / Behem / Dal-
macien vnd Croacien König / Infant
in Hispanien / Ertzhertzog zu Oster-
reich / Hertzog zu Burgundien
Margraff zu Mehren vnd
Lausitz etc. Auch als
len Churfürsten vnd
Fürsten des heyl-
ligen Römisch
en Reichs /
Georgij
Agricole von Kriegsru-
stung vnd Meerzuge widder den
Türcken geschrieben / aus dem Latein ins
Tewtysch gebracht.

M.

D.

xxxi.

Dolmetzſcher zum Leſer.

Dennach der Altbare vnd hochgelarte Georgi
us Agricola/ der Artzeney Doctor vnd Phyi-
cus adder Stadthartzt in der freyen Bergſtadt
Sanct Joachims thall/ eine kunſtreiche Oration wid
der den blutgirigen Tyranniſchen Türcken/ verfloſſe-
ner zeit / auch alsbald derſelbige im abezoge geweſt /
vnd die alte hochberümbte ſtadt Wienn / ſo ſich ſeins
gewalts/ aldo mit der hülffe Gottes ritterlichen auff-
gehalten vnd erwehrt/ der beſchwerlichen belegerunge
freyen müſſen / hat im Latin geſchrieben / Vnde ſeint
doch gar viel hoch vnd groſſerfahrner/ auch tapfferer
vnd vberthewerer leuth/ hocheſ vnd niedern ſtandes/
vom löblichen Adel/ Stethen/ auch ſunſt viel andere/
die nicht alle lateiniſcher ſprache vehigt vnd vorſten-
digt. Auch dieweil dorinne viel hochwichtiger ar-
gument vnd bewehrungen / Desgleich ſürtrefflicher
zciere der diction ader wolredenheit/ Auch der manch-
feltigen geſchichte vnd hitorien / aus vorgehenden /
groſſbewegenden vrsachen/ ſo allenthalben dorinnen
begriffen/ hier ann tag geleet. Wedoch ſolchs na-
ch art eins Rethors / darbracht / Nicht aus heyliger
ſchriefft / ſo viel mehr zu der forcht Gottis vnd beſ-
ſerung Chriſtlichs lebens / dienſtlich / eingefurt.

Wiewols zum theil nach gelegenheit dieſer rede /
auch hirinne begriffen/ Vnde ſonderlich dieſer vrsach
halben vnderlaſſen/ dieweil andere/ der ſchriefft hoch
vnd groſſgelerte/ erfahrne/ ſolchs nach aller notdurfft
vnd geſchickter weyſe/ ſichs zuhandeln vnderfangen/
das gethan/ wie es dann nhun auch zurzeit beſchehen
vnde inn Drugt bringen/ auch außgehen habē laſſen
Welchs

Welchs von ettlichen / aus obenvormelten vrsachen /
bewogen / das zu gemüete gefurt / vnd behertziget / ha-
ben diese wolgeschickte Oracion / anrede ader persua-
sion / alsoviel die art vñ gelegenheit derselbigen sprache
hat leiden vñ dulden wollen / Vnangesehen das nicht
allenthalben die wort / sonder der syn verdolmetzsch /
vnde vns tewtzsch gebracht worden. Geschehen
am Neunvndzwaintzigstem tag des Monden Decem-
bris / nach Christi vnsers lieben herren geburt im funff-
zehenhundert vnd Neunvndzwaintzigstem Jare 2c.

A ij Wiewol

Die vor-
rede.

Wiewol ewere Königliche Maieſtat / Churfürſtliche vñ Fürſtliche Gnaden / eine notdorfft gar tapfferer geſchickter vnd theurer Männer haben / Begabet mit höchſten Tugenden vñ vorſtande / in klugheit vñ rāthen erleuchtet / mit ſonderer gnaden vnd vberfluß zureden fürtreffende / Die ewer Königlichen Maieſtat / Churfürſtlichen vnd Fürſtlichen Gnaden / das ſhenige / ſo billich / recht vnd gütigk iſt zu beſehen / vnterreden auch rathen können vnd mögen . Obs aber mangelt / zweiffle nicht . E. K. M. Churf. vnd . F. G. ſein vor ſich ſelbſt / aus hoher groſſer begirde vnd geſchicklichkeit hierzu geneyget . Jedoch beweget mich die vnwürde dieſer ſachen / gewys kein rhum noch hoffart / das ich mir von dem kriege / wider den Barbariſchen Türcken (deſgleichen feyndt nie keiner als blutigirigk erſharen / vnd gewest) vor . E. K. M. Churf. vnd . F. G. als die es am meiſten angehet / öffentlich zureden fürgenommen . Welchs ich auch mit meher gedeye vnd frucht hoff abgottwil zuuolbringen / daß ſich yemandt verfloßner zeit / zuvnterſtehen gethan . Erſtlich / der vrsach halben / das mir vor euch groſſe mechtigſter Königt / auch Gnedigſten vnd gnedigen Churf. vñ . F. G. welche nicht weniger fürtrefflich klug vnd weiſe / dann Edel vnd groſſmüttig / ſolchs dieſer zeit zureden gegönnet . Zum andern / das dieſes Tyrannen vñ wüterichs grausamkeit auch bereytan / dero geſtalt / aller menſchen hertz vnd gemüte / wider ſich beweget / das der meiſte theil aller / mit groſſer begirde / wider dieſen vngüttigen feindt Chriſtlichen namens / yre waffen anzugreifen / vnd ernſtlich darzuthuend / vermarckt werden .

Erzählunge
der ſach-
en.

Vnd auff das ich alſo die ſach zuuorzelen anfah /
So iſt wiſſende / das den vorgangen Somer / ein fehr-
licher

licherk riegt deme gantzen Tewtschen Lande / ja auch
der gantzen Christenheit / von dem vermessenem allerge
waldigsten blutdürstigen Türckischen Tyränen / zuge
füget worden / welcher vormeinete ein bequemeit / jme
von ettlichen Ungarn / so zu ym gefallen / eingereumet.
Erstlich / Tewtsche land mit mord vñ brantschaden /
zuuorderben / folgende gantz einzunemen / vorlihen.
Derhalben er viel Flecken vñ Dörffer zu Osterreich der
allerfruchtbarsten gegende / geplündert / verbrannt /
vmbgekart / Eckere verwüst / vñ allerley geschlecht der
menschen / entweder allenthalben erwürgt / adder zu
dinstparkeit / hertter dann yrgent der todt / hinwegge
furt. Wienn die hochberümpfte / reiche vnd vberlüstige
hauptstat desselbigen landes / mit stether belegerung /
vñ hacht eines monats / herttiglichen bedrängt / vnd die
mauren / demnach er sie vntergraben / vnd puluer (so
alle ding zerstört) darunder gesetzt / zersprengt. Auch
zum theil mit Büchsen beschiesen lassen. Er hat auch
mit vnzelichē volgte / die an denen örtern / do die mau
ren vnd zinnen zersprengt vñ nidergeworffen / einfallen
vnd anlauffen solten / die Stadt hefftiglichen gestür
met. Vnd vorwar / were nicht in demselbigen nñu / zu
förderst / durch gnad vñ beystandt Gottes des almech
tigen / darnach durch ewere fürsichtigkeit wichtigen vñ
zeitlichen rath / ein tapfere anseliche hülffe die Stadt zu
beschützen / auch mit grosser geferkheit yres leibes vnd
lebens / dahin vorordnet / So were entweders die edle
alte stadt Wienn mit gewalt im Sturm erobert / adder
mit hinderlist verraten / eingenomen / vnd in die gewalt
der feynde (nicht on mergliche ferlkheit vnd nachteil /
auch on trefflichen vnrrhum gantzer Tewtscher Na
tion) kōmen. Es viel aber derozeit ein keltē ein / welche
nachdem es vnter den feinden außbrochē / angesehen /
das yr krigsvolgt Rosz vñ Camelthier dieselbige nicht
21 iij wol

wol leiden konden / Aber welches viel glanblicher ist /
forcht halben vnfers heers / welches sie vornahmen in
kürtz gewaldig vnd gros erscheinen solte / als dan das
auch im anzuge gewest / haben in die Stadt der bele-
gerung zufreyen / vñ vnheimlich hinweg zuziehen ge-
zwungen. Der tyrannisch Türck ist aber dazmal also
abzogen / das er nicht den kleinsten theil seines heeres
(wie man sagt) in nechstligenden Grentzen adder ge-
genden / das sie sich doselbst niederschlagen vnd winter
lager anstellen möchten / gelassen. Derhalben wir auff
künfftigen Somer vns zubesorgē / wo nicht eines heff-
tigen krieges / ye vffs wenigste vielfeltiges / vngewarn-
tes / grausamliches vberfallens / seines schnellen reysig-
en zeuges vnd leichten pferde.

**Die zur-
teilügender
Oration** Ir habt vornomen vrsach gnugsam den krieg an-
zufahen / Nñu forthin ist zusagen von art vnd gelegen-
heit des notwendigen krieges. Dornach mit wasserley-
weyse er müsse gehandelt werden. Zum letzten von ges-
hülffen zuerlangen dester statlicher zuuolenden.

**Persua-
sion** Dieser krieg ist der art / das keiner ewere hertzen
soll noch mag als hefftig bewegen / reytzen vnd anzün-
den. Dan es werde nicht die Christlichen Lender ader
ser krieg genden / vber Meer / zuuenterb geengstiget vnd ange-
voller gutast / wie vorzeiten / vmb welcher willen ewere vorfarn-
theit vñ vielfeldige vnd schwere kriege gefurt. Es werden auch
gerecht nicht die nechstligende Lender / wie vnlangst vorgang
ist. en Vngarn / vorgenommen / welchen wir billich mit gan-
tzer gwalt / hülff fürsich vñ beystandt leyssen sollen /
beweget aus erbarmung / ader zukünfftiger ferlichkeit so
dadurch zuuorhütten. Es werden auch zuuenterb ange-
fochten nicht allein ewere furtregliche güldige zynsse /
nutzung vnd zölle / welche billich zyer des frides / vnd
crefftige

crefftige stewart des krieges genant werden. Sonder es
wird von vnser aller freyheit gehandelt/welche zuerhal
ten zürlich/verliren gantz vnrehmlich. Es trifft auch
an das heyl der kinder/der weiber/der blutbefreund
ten/vnd freunde/so dasselbige von vns genommen vnd
verloren/was mag lustiges hie auff erden gesein?
Wohr steet in gefar eines itzlichen leib vnd leben/wel
ches vor diesem blutdürstigen Tyrannen vns höchsten
vormögens zuretten/billich gezymet. Endtlich steet in
gefar/vnser allerheyligste Religion vnd glaube/welch
en so wir zuuorleuckenen gezwungen/was werden wir
nach diesem leben vorhoffen?

Vorwar/Ir habt nie vormals billichern zutrit zu
kriegen dann itzundt gehabt. Dann Teutschland hat
nie mehr so grossen vorterb/nie so grausame vnbillikeit
nie so vortreffentliche schmachheit erduldet vnd erlitten.
Es haben wol die Römer vnsern alden Teutschen vor
zeiten viel vberdrangs mit kriegem zugefüget/aber vñ
den vnsern hierzu/durch zugewante Injurien vñ scha
den/gebracht/durch krieg darzu bewegeet/vñ mit gros
sen vnd vielfeldigen eroberten schlachten von den vn
sern beschediget. Dañ die vnsern sein entzwar vber den
Rhein gefallen/vnd den Galliern widder die Römer
hülff bewiesen/aber haben der Römer nechtiligende
Land weyt vnd breyt verheeret. Also seindt die Römer
durch bedrengnüs vnd not gezwungen/sich der einfell
der vnsern zuerweren/vnd sie in yren gegenden zubehal
den/beflissen. Aber der Türck durch kein Injurien von
euch vorletzt/sonder mit vberschwenglicher hochtra
genheit vñ hoffart auffgeblasen/durch sein grosse ge
walt erhabē/vñ durch vnglenbliche grausamkeit ent
zündet/ist in Osterreich/welchs vnter Teutschen lan
den vñast das allerfruchbarste zugleich vñ wein vñ ge
treide

trejde / eingefallen / vnd dasselbige erbermlicher weyse
durch schwerd vñ fiewer verheeret / vñ die lenthe / so ni-
cht erwürget / gefenglichen on erbarmung hingefurt.
Kirchen vñ Clausen besleckt vñ verunreiniget. Derwe-
gen diser krieg mit den andern / so vorzeiten ewere Vor-
eldern gefurt / vorgleicht / kan vñ mag vō niemand daß
der allerbilligste geschätzt werdē. Den yr habt yn nicht
angefangen / Sonder dieweil er euch vō dem allervnge-
rechsten feinde zugefüget / darumb greiffst yr zu ewerer
gegenwoher billich. Welcher krieg anfehlet / nicht darzu
genugsam vorursacht / entweder der ist anderer leuthe
güther zuhaben begirck / aber hat begirde vnd mhet
vnbillichen vber andere zuherschē / Deren das erste
das laster des vnsetzlichen geitzes / Das andere das la-
ster der vngütigen tyranny schwerlich entfliehen mag.
Welcher sich eines vnbillichen kriegs widder yn vorge-
nomen vnterstehet zuerweren / der erwert sich gewalts
billicher weisse. Vnd welcher König ader Fürst hierin
ne seumig / der wirt geacht als sey er seins Ampts nicht
ingedenck / Desgleichen als acht er seiner vnderthan
wenig. Was sag ich aber von den vnderthanen? Jha
er acht sein selbs nicht / dann der Türck vbet sein tyran-
ney gegen niemandts so hefftig / als eben gegen dem
Adel / vnder welchen wie die Könige vnd Fürsten das
vorgehen habē / also stehen sie auch in soviel destergroß-
ser gefar. Dann die vnsern nachdem sie in drey Stende
zurteilt / den Adel / vnder welchen wir die so grosse her-
schung vorwalden wollen gerechnet haben. Die Pries-
ter / vnder welchen wir alle gelerte begreiffen. Den ges-
meinen man / so die anderen alle in sich schlenst. Ist der
Türck beschwerlich / so er ein Land durch krieg erobert
vnd einnimpt / den Priestern vnd gelerten / dann er vor-
bentt die heylige Schriefft öffentlichen zuuorkündig-
en / vñ guthe künste zulernen. Dann er fürcht seines vn-
gütigen

gütigen vnd vngegründten affterglaubens / welcher
das liecht des warhafftigen glaubens / vñ den glantz
vñ schein der künste vñ philosophia nicht dulden noch
leiden mag. Derohalben notwendig die leuthe / vber
welche der Türck herschet / den mherern teil nicht lang
dornach / nachdem er sie erobert / Gottlos vñ viehisch
zuwerden / das sie nicht allein kein vnschuldig vnd hey-
lig leben führen / welches Christē gepürt / Sonder auch
kein sittlich ader bürgerlich / welches leuthe / so mit
vornunfft begabet / gezimet. Dem gemeinen mann ist
er noch gar viel beschwerlicher. Wiewol diese beschwe-
runge nichts weniger die priesterschafft antrifft / denn
die beschwerüge der priesterschafft den gemeinen man.
In waser weise ist er yn aber beschwerlich? Mercket.

Dat einer kinder / ein weib ader gütther mit grosser
mühe vnd arbeit erlanget / so ist doch nichts in seiner
gewalt. Aus den kindern nimpt er die Söhne welche
yn vñ seinen Basschen gefallen zu schendtlichem miß-
brauch der vnkeuscheit / welchs ich schandthalben ge-
schweige / ader gebraucht sie zu krieges leuffte / des sie
sich vnbillicher weise / vnterstehen. Der Töchter aber
vornemlich der Christen / so vnder yrer gewalt / miß-
brauchen die Basschen yrer begyr nach. Nichtes we-
niger der Ehe weiber / ob ynen eine gefellt / Ja so gleich
die Menner zusehen / welche (wehe der schande) ge-
zwungen sein zuschweigen vñ zunorwilligen. Dann so
ein Christ ettwa einem Türckē schmeliche wort gibet /
adder vorwundet / ob er wol solchs rechtlich thut / so
mus er leiden das man yn nach brauch desvolgtes be-
schneide / vnd vnsern glauben verleucken / adder wirt
durch grausame vnd vnbillich vrtel lebendig verbrant.

Auch habens die Türckischen weiber nicht vil bes-
ser bey yren mennern / dieweil yn nachgelassen als viel

B i zune

zunemen / als viel sie wollen / vnd erneren können. Sie
mögen sie auch dreymal vmb schlechte vrsach vō ynen
teilen lassen / vnd dreymal / durch nachlassung dieses
schnōdes vnd vnreinen gesetzes / wyder zu sich nemen.
Weil dann solchs geschicht / was mag bey yhnen vor
ein eerliche Ehe gesein? was vor zier züchtiger weiber?
waserley schame derselbigen?

Nhu hört von den güthern ap es gleich leydlich /
das man ynen einen theil entfrembde durch grosse vnd
manchfeldige zinsze vnd stewer / welche sie jerlich zalen
von einem itzlichen hewpte männlichs geschlechtes /
von den thüren der hewser vnd gärten / von einem men
schen er werd geboren ader sterbe. Zum andern durch
zölle / mit welchen sie dermassen beschwert werde / das
solche bürde kein land der Christen ertragen ader dul
den könne. Zum dritten durch den tetzem ader zehende
so sie den Baschen (also wirt der obirste hauptman ey
nes landes genant) den siebenden teil / den sie dem Thy
marnick (also nennen sie den hauptman eines kreyses)
von allem getreyde vñ gewüchse zugeben gezwungen.
So ist doch gantz vnleidlich so ettwā ein reicher vorstir
bet (denn was kond man einem armen nemen / aber ey
nem blossen abziehen) alle hab vñ whar also gantz vnd
gar in den henden vnd gewallt des wüterichs zusein /
das er seinen weibern vnd kindern gebe soviel ime gefal
le. Nhu er gebe gleich ettwas / so gibt ers doch also /
das er vñ seine Amptleute den merern vñ besten teyl be
halte. Dasselbige heisst nicht herschen / sonder wütere
y vben. Nicht die woll den schafften abnemen / sonder die
hautt gantz abziehen. Nicht den vnderlassen recht / wie
der Obirkeit gepürt / sprechen / sonder wie diep vñ mör
der sie beranbē. Ich setze diß alles sey zuleiden / wiewol
ich nicht vornemen kan / wie es zuerdulden sey / So ha
bens

bens doch der Adel vnd die Obirkeit am allerergisten.
Dann demnach er sie vberwunden/ so ist es als gewys
das er yr nicht schone (wiewol er im ersten rausch nie-
mant vorschonet) das sie auch jemerlich von yme alle
erwürget werden. Wannwarumb er fürcht das sie yn
durch entpörung widerumb aus dem eroberten Reich
vortreiben möchten. Aber er tödt sie nicht auff ein weise
vñ meinung. Sicht er sein sach standthafftig/ so pflegt
er sie von stundan alle zuerwürgen lassen. Ist aber sein
sach noch nicht mit dem gewisten/ so ermordt er die al-
le so jme entgegen gewest. Die jhenigen aber so es mit
jme gehalten/ lesst er ein zeitlang leben/ bald aber dor-
nach vñ er sein vortel ersehen/ müssen sie auch herhalte

Ich weys ewer Königlichem Maiestat vñ Churf.
vnd. J. B. alhie nicht zuuorhalden die grausame that/
so nachdeme Constantinopel erobert/ geübet worden.
Eins theils des Adels/ vnder welchen auch der Kaiser
Constantinus/ seint/ do man die Stadt eingenomen/
im gedrenge blieben ader erwürget worden. Der ander
theil/ so vberig/ ist entweder in gefengnis geworffen/
ader hat vnder schñöden angelegten kleidern sich ge-
borgen. Was geschicht? der trewlos feyndt lesst offent-
lich außruffen vñ yederman sicherheit vorheissen/ als
bald zeigt sich an all der Adel so noch vorhanden/ der
wütericht nachdem er gar wenig ader keine vormein-
et vorborgen sein/ lesst er sie all in einem wolleben (vnge-
acht seines zugesagten glaubens) ermorden. O der le-
sterlichen vnd grausamen tadt/ welche Ewer Königs-
liche Maiestat/ Churf. vnd. J. B. allein bewegen vnd
widder den Türcken anzünden solte. In kurtzer zeit ist
dießer alde vñ vortreffentlicher Adel Kriechischen
Landes gantz vnd gar außgetilget vnd vorloschen/
adder müssen ein dürfftig vnd schmelich leben vnder

Gräu-
samkeit
des Tür-
cken.

B ij dem

den eigen leuthen vnd knechten / damit sie nicht erkant
würden / zubringen. Ich geschweig hie des Kaisers
von Trapezunt vñ der Fürsten Ponti / die gen Constan
tinopel in einem Triumph gefurt worden / vnd aldo je
merlich erwürget. Ich geschweig des Fürsten vñ Dy
drunt / welcher / nachdem die Stadt erobert / von ein
ander gehawen worden. Ich geschweig auch des me
chtigen hern von Sirfen Sohne / welchem der Türck
die augen ließ ausstechen. Vorwar in soviel vnd mech
tigen Reichen / die den Christen abgewonnen / ist nicht
irgent ein alt vnd Edel Geschlecht in seiner würde vnd
herlikeit / Was man spürt an viel örtern nicht einen
fußstappen ader einige anzeigung des Adels.

Aber wie solt das blutgirigē geschlecht der Oto
mannen (so heist des Türckischen Tyrannen ankunfft)
des Adels schonen? so in demselbigen weder ein Bru
der des andern / noch der Sohn des Vatters / desglei
chen der Vatter des Sohnes nicht vorschonet. Dann
Pazaites Ammuratis Sohn / ließ Solimanno seinem
bruder nachstellen vnd erwürgen / welches Sohn Ma
homet / nachfolgende die lesterliche fußstappen seines
Vatters / hat dergleichen seinen bruder Orchanem / do
mit er allein regirte / getödtet. Ein ander Pazaites /
des itzt regirenden Türckischen tyrannen Solimanni
Großvatter / hat seinen bruder Josimū vberwundē vñ
vortriben. Welchen Pazaiten sein eigener Sohn Soli
mus / des itzigen vatter / aus dem Reich vortriben / vn
angesehen / das er von ime geboren. Er hat auch seine
brüeder vnd alle yre kinder getödtet / außgenommen Am
murate seinen Enckel / der zum Ismaeli Sophi Kö
nig zu Persia geflogen vñ entworden. Ammurates aber
der fünffte von dem itzt regirenden / nachdem er seinem
sohn Mahomet die herschung befohlen / hat vorschafft
alle

Alle andere sein eigene Kinder vmbzubringen. In welcher handlung dieses grauliche vnd vnmenschlich geschlechte in grausamkeit / auch die vnuornünfftigen thier vbertreffen ist / die doch die geburt vnd auffziehen vberaus freuntlich vnder einander vorsünet / So vnder diesen die blutgesippschaft nicht alleine zwitteracht macht / sonder auch das leben zunemen pfleget / das also gar viel besser sey / das ein vnuornünfftig thier vñ dem andern geboren werde / dann einen menschen von dem andern in diesem blutdürstigem geschlechte. Diernit habt yr die art des Türckischen regiments.

Nhun was mag dürfftigers vnd schedlichers gesaget ader erdacht werden? was vnreyners vñ schänders? was grausamer vnd tyrannischer? Last nhun ettlich vnwissende vnd nerrische Bawern gehen / vnd den Türcken zu einem herrn begern / der sie entweders im erstē angriff erbermlich ertödtet / ader in ewige dienstbarkeit zugeleiten hinwegt füret / Aber szo sie trewlos vnd flüchtig von yren Herren zum Türcken fallen / szo thut er ynen ja soviel gezwangs an / vñ vberlegt sie mit so schwerer pürden / das es viel besser sey sterben / dann in solcher dienstbarkeit vnd schändikeit zuleben. Last auch ettliche törichte Pfaffen hinfaren / die den Türcken (als den einigen Rechtuorfüger / ader wie sie sagen Rechtgeber / vñ vnder welchem gleichmessiger zuleben dann vnder den Christlichen Fürsten / gestattet / auch was glaubens einer sein möchte) mit erhobenen henden zuentpfahen vnd anzunemen geschryen. Last auch hinwüschē ettlich abgünstige vnd bößhafftige vom Adel / vnd sich mit dem Dainoda / des Türcken anhang / widder die Christlichen Könige vnd Fürsten vorbinden / vnd dem gemeinen vnerfarnen pöfel die vngerechte sach vñ handlung des trewlosen Dainoda lo

B ij ben/

ben/der sich das Königreich zu Ungarn dir edelen Könige Ferdinando/ dem es von alder vorpüntnis vnd newer Schwagerschafft wegen zustehet/ bösslichen abzudringen bevellystet.

Ich meyn ja wir armen Tertzischen haben entpfunden/ ja allzu sehr entpfundē die vbergrausame Tyranny des Türcken. Das Österreichisch land ist weytlich mit to vñ breyt mit todten Cörpern bedeckt/ desgleichen die ten Cör= wasser desselbigen mit blutfarbe erfüllet/ die äcker vorpern be= wüstet/ die Dörffer vnd Flecken vorbrannt/ vnd vnser deckt vñ heyliger glaube vorlacht vnd vorpottet. O leyder des vorwües= jamers vnd schmerzens. Leyder des klagens vñ traw= stet. rens. O der grausamkeit vnd vnwürde dieses handels.

Die alten Tertzischen / vnder welchen auch die Gotthen vnd Longobarden begriffen/ demnach sie vn billich achteten der Römer gewalt/ dodurch dennoch die Land gebawet vnd die leuthe sytlich worden / sich weythher auszubreitten / sein sie in Welischland gezogen/ dasselbige eingenomen vnd Rom erobert. Wolt yr nñ dulden den Türcken / so ein vorwüster der Land/ vngerochen bleiben? der ewer aller hirschung / ja des gantzen freys der werlt / grausamlich vnder sich zu bringen bevellystet. Ewere Vorfarn haben mit den Römern vmb Franckreich/ Welische / vnd andere Lande gekrieget / wollt yr dann nicht von wegen Tertzischer Nation ewers Vatterlandes vnd hochberhümten namens/ widder den Türcken kriegf führen? Dieselbigen ewere Voreldern haben oft von wegen des heyligen landes/ welchs den Christen vñ den Saracenen ab gewonnen/ widerumb zuerobern tapffer vnd mennlich gestritten/ Yr aber was gemütes solt yr sein/ dieweil so viel Tertzische/ nicht in der Asianer/ nicht in der Rrichenlandt

enlandt / Sonder in ewern selbest Tewtzschen landen
auff geweichten vnd vngeweichten stellen jemerlich er
schlagen worden? Ein gros vnd vortreffentlich lob
ist entstanden / dem Carolo Königt zu Francreich /
der ein Tewtzscher gewesen / das er die vnglaubigen Sa
racen / welche Hispanien vorwüsteten / in den winckel
des Granatischen Königreichs getrieben. Nicht ge
ringschetziger ist das lob vnd preys / Großmechtiger
König Ferdinande / deines Großvatters des berümp
ten Königes zu Hispanien / das er dieselben vberblibe
nen Saracenen vor Siebenvnddreissig jaren gantz vñ
gar vollend vortrieben vnd voriagt. Es wirt fürwar
ewer aller grosse vnd treffentliche ehre sein / so der Tür
ck von euch aus Europa vertrieben / im Asianer land
wirt erleget vnd vberwunden. Damit aber solchs ge
schehen möge / so nempt mit eintrechtiger vorwillig
ung / wie nechst / die waffen zuhanden / durch welche
vnser allerheyligster glaube / die wirdikeit ewrer hersch
ang vnd gebietes / ewer reiche güldige Renth vñ zinse /
samt leib vnd leben / auch das Vatterland mögen be
schützet vnd beschirmet werden.

Bissher hab ich gesaget das dieser krieg rechtfer
tig vnd voller gütikeit sey / forthin wil ich sagen das
er zuuorbringen leicht vnd darzu nützlich. Dasselbige
zuuor vñ ehe es geschehe / will nicht von vnnöten sein /
ettwas von Tewtzschen landen vnd yrem gewallt zu
sagen. Welches wiewol es etzlichen auslendischen / die
das yre (wie gemeiniglich geschicht) gros auffnutz
en / vnd das vnser vorachten / vor nichte vnd geringe
angesehen wirdet / So wirt es doch die sach selber er
weisen / das es war / vnd nicht vmb zuneigung vnd lie
be des Vatterlandts erdicht.

Ich

Das di
ser Krieg
leicht.

Teutsch
landes
macht
vnd vor-
mögen.

Ich laß mich duncken / so mans eigentlich ermies-
sen wolde / Teutschland / weich keinem andern lande
so es mit allen vergleichet / Dann es ist also gros / das
man es billicher viel denn ein land vñ reich heissen mö-
ge. Es wirt aber geacht sein größe vñ lenge / do es sich
vhaß von dem Adriatischen Meer an bis zu der Teut-
schen See erstreckt. Do es sich in Sarmatiam / do itz-
undt Leisland ein lange reiser außbreittet. Do es nicht
den kleinsten theil Frankreichs / welchs obere vnd ny-
dere Teutsche land genant werden / begreiffet. Do es
Engeland die allerscheinbarste Insel in sich heilt / dan
die Engelder vnd Schotten Teutsche von yrer an-
kunft vnd sprach / haben sie innen. Do es viel Inseln
in der Teutschen See / vnd vnder denselbigen / sehr
grosse begreiffet. Endtlich do es yhr Ertzschland / das
Nies / Bayrland / Osterreich / Steyr / Kernten vñ Bre-
hen zueigent / dann diese land haben vorzeiten einer an-
deren sprach leute gehabt. Das aber Behemen in Teu-
tschem lande gelegē / halt ich nicht darvor das imant /
der eincherley erfahrung der historien vnd beschreibung
der Lender hat vnd vorstehet / doran zweyffele. Es ist
auch uoch hentzutage Teutschen Herren gehorsam
vnder welchen etzliche wiewol sie die sprach vorwan-
delt / so erweisen doch die namen der alden geschlecht /
welche sie biszher behaldē / gnugsam / das sie teutsche
sein müssen. Ober das so hat Teutschland / vor al-
len andern / die meyste mennung allerley metall / Dann
wenn sein die Ertzgruben vnd das Silber / das man
auch gedygen ausgrebet / Weisner vñ Behemer landt
vnbekant? Wer hat nicht von den Hartzgengen vnd
Bergwerck gehört? Wer ist vnwissende der Ertzsch-
lender bergstollen? Wem sein die Schlesischen metall
vnerhort? Wer weys nicht das Engeland Metall in
sich hat / derhalben es vorzeiten Britannia ist genant
worden?

worden? Wer hat nicht von der Schweden harten ey
sen/das sie Osmunt nennen/hören sagen? Aber es sein
gar viel eysengruben im Tetzschschen lande/des gleich
en Goldreiche flüsse vnd bäche. Nbu wirt nicht aus me
tall Müntze gemacht/die ein werth des kauffmanscha
tzes/vnd ein erhalt des krieges ist? Werden nicht aus
metall die waffen geschmidt / damit wir vns wheren
vnd die feynde beschedigen? Derwegen kan vnd mag
Tetzschland nicht zu dem krieg vngerüst sein. Zum
dritten Ist es fruchtbar von getreyde. Denn seint nicht
Thüringen / Behmen / Merhern / Oesterreicher vnd
Bayern/auch das grösste theil des landes zu Sachsen
fruchtbare gegende? Es mangelt auch Tetzschem
lande an viel orten kein wein / dann der Traminer ist
auch bey den Römern geacht gewesen. Nbu ist Feltliner
Keinisch / Elssesser / Moselisch / Oesterreicher / Neckar /
Fracken / Thüringisch / Retzschberger / Behemisch
er / vnd andere / zuerzelen von vnnöten. Zum vierdē
hat Tetzschland ein notdurfft zamer vñ wilder thier
vmb vberflüssiger weyde willen. Dieweil sich dann sol
lichs der gestalt hellt / so mag man zu der zeit des frides
gnugsame narung / vnd des krieges notdurfftige pro
fant wol haben. Was wolt yr darnon sagen / das vn
ser getreyde vnd wein biß in viel jar vnuorletzt vnd vn
uortorben / erhalten werden mögen? so vhaß der an
dern warmen Lender getreyde / bald im andern jare /
durch vermoderung in würm verwandelt wirdt? vnd
die wein seyger vñ gantz vortorben? Nbu es sey gleich
Welischland fruchtbar von getreyde vñ wein / so ist es
aber klein vñ vnfruchtbar von metallen gegen Teutsch
en landen vorgleicht. Es sey gleich das Vngerlandt
mher weyde habe / aber wie wüß / öde vnd vngewarwet
ist es? Zum fünfften hat Tetzschland mher was
ser / dann yrgent ein anders / vñ darunder von den grös
C i sten

sten die Dunaw / die durch ein vberlange reiser in das
Pontische Meer fließt. Den Rhein / die Elb / Wiser /
Elbe / Spre / vnd Weissel / die alle in die See fließen.
Durch diese aber kan man kauffmans whar aus vnd
eyn führen / welches zu reichung des landes / vñ also da
durch zu macht vnd vormögen kriegt zuführen dienet.
Aber durch die Dunaw zu der zeit kan man mit grosser
bequemikeit allerley kriegszewg vñ vitalia / die man zu
diesem krieg bedarff / in der feyndt land führen. Zum
sechsten hat Tewtischland also viel alde / edle / vnd ge
waldige geschlecht / das es andere land weyt vbertrifft
Vnder welchen zu vnsern zeitten / Großmechtiger Kön
ig Ferdinande / dein geschlechte leichtlich das vor
treffentlichste / welches hochberümpfte Kaiser gehabt /
vñ itzunder deinen Bruder Kaiser Carolum hat / vber
den / von dem grossen Carolo anhero / keiner gewaldig
er gewesen / keiner weniger vberwunden / keiner mynner
durch soviel vnd treffentliche Triumph vnd vberwin
dung erhoben. Welchem ausserhalb Tewtscher Na
tion / alsoviel Königreich zu Hispanien / soviel Inseln /
vnd vhaft gantz Welischland vnderthenig. Des ge
walt die weissen Moren fürchten / die Türcken schew
hen / die Tattern in vorsorge vnd vordacht haben. Du
Großmechtiger König Ferdinande bist der ander na
ch yme / dem viel Edler land Tewtscher Nation vnter
worffen / auch das mechtige Königreich zu Behem /
Vber das Vngarn / ob gleich ettlich trewlos vnter jnen
sehr vormessentlich sich dawidder setzen. Welchen wir
kürtzlich durch hülff Gottes des almechtigē nachdem
so Constantinopel wider erobert / den andern Kaiser zu
künfftig wünschen / nicht on grossen rhum vnd Ehre
Tewtscher Nation / Nicht on treffentliche merung vñ
zunemen Christliches glaubens / Nicht on erledigung
vnd

vñ freyheit so die Rrichen widerumb zuerlangen lange
zeit begert haben. Auch zwene Brüdern volgen die ge
waldigen der Engelen der / Schotten / Denemercker /
vnd Schweden Könige / zum theil in reichthümben /
zum theil in waffen beruffen. Nach den Königen habt
yr durchleuchtige vnd durchlechte Churfürsten vnd
Fürsten die nechste stelle. Die yr dan nicht einer gering
en anzal vnd also mechtig das yr auch Königen zuuor
gleichen. Auch auch sonder zweyffel haben die alden
vorzeiten Könige genēet. Nach euch sein Grauen vñ
Herren / vnd der viel / auch reich / das sie anderer landt
Fürste wol gleich zuschatzen. Mehr ein vnzelicher Adel
welches großmütikeit tapfferheit vñ bestendikeit in be
lagerung der stadt Wienn erschienen. Der ist eins theils
allein dem Kaiser / eins theils auch den Fürsten / eins
theils den Königen vnderthenig. Welches so es sich
dermassen also hellt / mag einer warhafftig sagen / das
Tewttschland sovil Adels habe / als ettwā ein ander /
nicht sehr klein / land / vberal menschen. Zum sie
benden / hat Tewttschland gewaldige vnd mechtige
freyhe vnd Reichstethe / vnd der ettelich am Rhein / viel
in Schwaben / noch vielmehr in Sachsen. Zum
achten vnd letzten / hat Tewttschland allzeit viel star
cke vnd begyrige Kriegslenthe gehabt / Dann welches
einiges Land möcht also viel erlesener Kriegslenthe ge
ben / als itzt in diesem Türckischen Kriege eben Teutsch
landt. Es sein mehr dann zweyhundertthausent man
zu der wehr geschickt gewest / vnd waren vñ fast alle im
feldt lager / adder ye im anzuge / vñ man fonde dennoch
nicht spüren / das es an lenthen geprech / dann alleine
das ein itzlicher die seinen vormisset / vñd es hatten
gleichwol nicht alle noch zu der wehr griffen. So man
nhyun mit gantzer gewaltt zu kriegen were gedrungen /
C ij hette

hette man vnzelich volck rüsten mögen. Des sich nie-
mandt vorwundern wirt / der do weys das in ewern
Tewtschen landen / zuuoran das man das gros tewt-
schland nennet / selden einer gefundē / der nicht ein her-
tz vnd inhut zum kriege habe / vñ mit der wehr geschick-
t sey / So in andern landen allein der Adel vñ etzlich
Die deut andere / doch wenig / sich kriegsleut brauchen. Was
schē wer soll ich viel sagen? die Tewtschen werden kriegsleut
dē frigs geboren / andere müssen es lernen.
leut gebo-
ren.

Wie behertzt aber die vnsern sein / kan man hieraus
leichtlich ermessen. Nenniglich weys die vielfeltigen
kriege / so sich in dreissig iharen angeferd in Welischen
landen begeben. Bey wenen aber ist der Sygt gewesen?
bey denen auff welcher seitten die Tewtschen Landts-
knecht gestandē / wiewol yr an der zal viel weniger dan
der feynde. Daben nicht wenig der vnsern zugleich mit
sehr wenig Hispaniern iren mitgehülffen vor fünffvnd
zwaintzig jaren / das Französisch gewaldig heer / vber
welches der Marggraff von Mantua obirster gewesen /
vnd vor zweyen jaren die Venediger sampt den Franzo-
sen yren gehülffen / aus dem Königreich Neapolis vor-
triben? Daben nicht fünffthausent der vnsern vñ drey
thausent Hispanier / vnder welchen Neapolitaner ge-
wesen / do Signor Prosper Columna obirster war / nit
fern von Vincentz bey viertzigthausent Venediger vber-
wunden / vnd in die flucht geschlagen? Daben nicht
die vnsern vor vier jaren auch mit den Spaniern / das
Frantzösisch heer zum theil erschlagen vnd in die flu-
cht bracht / zum theil / vñ darunder den König selber /
gefangen? Daben sie nicht die stadt Rhom vor dreyen
jaren / die doch voller volcks vnd kriegsleut was / vnd
welcher ein mechtig heer der Venediger zu hülffe war
kōmen / die gleich zusahen vnd nicht soviel kunheit het-
ten

ten / ynen beystandt zuleyten / gewonnen ?

Ich hab itzund allein gedencen vnd erzelen wollen / was vor geschichte noch in frischem gedechtnis seint / Dann wolt ich das / was tapffers die alten Teutschen gehandelt / alles vorzelen / so würde mir ein ganzer tag / das ichs nhr ein wenig vberlieff / nicht genügen. Vnd vorwar wann gleich in einem Kriege der vnsern wenig sein / so acht man sie doch in dem sie sich weren vor viel. Welches vorseiten die Türcken do **Matthias** **König zu** der hochberhümpte König zu Vngarn / mit wenig **König zu** der vnsern die man das schwartze heer gnant / widder Vngarn sie Kriegete / entpfunden. Desgleichen nicht weniger in der Stadt Wienn stürmung / der sie sich offtmals vmb sunst vnterstandē. Dann König Matthias hat mit dem selbigen heer das feyndtlich Türckisch volgt oft geschlagen / vielmal in die flucht bracht / noch öfter in schrecken. Vnd nhr newlich do der Türck vnzelich viel volgt hatte / die auff wasser vn landt / den / so zu Wienn belagert / die ein vnd ansart vorschlossen / vnd das zu vor vormeinet niemant möcht yn widerstandt thun / haben wenig der vnsern gegen ynen vorgleicht (wie wol sie kein gelegenheit von mauren vñ zinnen die feynde abzutreiben / gehabt) sich so hefftig gewohert vnd ynen widerstandt gethan / das dieser hoffertiger feindt nicht an mergliche sein vnehre vnd schande lieber hatt wollen fliehen / dann in der vnglückseligen belegerung lenger beharren. Dann vorwar die Türcken sein erstlich genug behertzt den Sturm angetretten / demnach sie aber vormarckt mit waser Kriegsleutē sie zuthun hetten / hat man sie weder mit schlegeln noch verwundung gezwungen mögen / das sie sich die Stadt ferner zustürmen bemüheten. Welchs vnder andern dem tyrannen vnd seinen Basschen nicht wenig yren trost vnd mhet genohmen.

C iij Die

Dieweil dann nhun Tewtzschland also gros ist/
das es keinem andern lande der Christen in der größe
weiche/ So fruchtbar vnd erbarwet/ das es auch von
wenig der fruchtbarsten gegenden vbertroffen. Als rei-
ch von allerley Metall/ das es hentzutag leichtlich als
len anderen landen weyth vorgehet. Dieweil es sich in
der gewalt der Reichstethe/ den freyen gemeinen Wel-
sches landes vorgleicht/ in der zal weyt vbertriefft. Vñ
in der herlikeit des Kaisers/ der Könige/ Churfürsten/
Fürsten/ Grauen/ Herren/ vnd des gemeinen Adels /
alle andere Nation zuruckschlecht / In der mennung
vnd tapperkeit der Kriegslenthe vortreffentlich ist/ vor-
möget yr nicht allein den weibischen Türcken von ewe-
ren Grentzen dringen/ Sonder auch aus Aichenland
vnd gantzer Europa vertreiben vnd auszrotten/ in Asia
vberfallen vnd beschedigen / vnd gantz Orient ewerm
gewalt vnd herschung vnterwerffen.

Den alden Tewtzschē/ hat viel dinges/ des yr ein
grosse scheinbare notdurfft habt/ gemangelt/ sein glei-
wol vhaß der gantzen werlt ein schaw vñ schrecken ge-
west/ haben doch nicht einhellig gekrieget/ Dann als
lein die Gothen haben Thraciam darinnen Constanti-
nopol/ vnd Welischland eingenohmen / Die Vandalen
das land Aphricam/ die Schwaben Alaner vnd Ost-
gothen die Königreich zu Hispanien/ die Longobar-
den das theil Gallien/ das man itzund von ynen Lamo-
bardi nennet. Die Francken nicht den wenigsten theil
Gallien/ das sind der zeit von ynen Franckreich heisset.
Die Schotten vnd Engleser welchs Sachssen gewes-
sen/ die edle Insel Britāniam / die man heutdestages
von ynen Engeland vnd Schottenland nennet. Diesel-
bigen eroberten lande/ wiewol etzlich die sprach geän-
dert/ haben sie noch des meisten theils dieser zeit innen.

215
Auch haben die vnsern in Vngarn die Sieben bürgen
on willen beyde der Vngarn vñ Türcken lang innen ge
habt/ vnd haben es noch heute innen. Wer mag nhun
hieran zweyfeldn/ das yr die Asianer/ ader so durch Asi
anische wollust krafftlos worden/ vberwindet? die der
Römer Cato weiber nennet/ von welchen Kaiser Juli
us gesaget/ Ich bin zu jnen Römen/ sie gesehen vñ vber
wunden. Von welches Kaisers Kriegslenten gleichwol
do er vber den Rhein widder die Teutschen zustreiten
ziehen wolt/ geschriben wirt/ das sie yre Testament vñ
letzten willenvor entsetzung vñ forcht wegen/ gemacht
vnd beschlossen haben. Auch welche Asianer so sie den
Einwonern Europe vorgleicht/ vnstreitbar zusein die
alden Ertzte vnd Philosophi durch crefftige vrsachen
der Natur erweisen/ vñ die erfahrung an yr selber becreff
tiget. Dann wenn haben die Krichen auch Einwoher
Europe vor Troia vberwundē? die Asianer. Wenn ha
ben dieselbigen im felde Marathone zugleich mit dem
König Xerxe geschlagen? die Asianer. Wenn hat der
gros Alexander König zu Macedonia mit dem schwerd
vnter sich bracht? die Asianer. Aber es möcht einer
sagen/ Ja der Türck hirschet hent vber die Kriechē vñ
Macedonier so streitbare lenthe/ Ich bekenns/ es seint
aber vnter jnen gar vil Christē mit vntreglichen pürden
der dienstbarkeit beschwert/ die nichts hefftiger begeren
dan ettwā einen aus den Christlichen Königen adder
Fürstē/ den Türcken bekriegē/ dan sie vorhoffen durch
yre genomene wehr/ wider in yr alte freyheit zukomen.
Das ich fürwar vō den Krichē selber gehort. Wer zwei
felt aber die Thracier/ Macedonier/ Thessalier/ Epiro
ten/ Illirier/ Sirfen vñ Dalmacier mit auch dasselbige
gesind zusein? Dise alle gienbet mir sobald sie der zukun
fft ewres heeres vorgewisset/ werdē sie voller hoffnūg
sich gegē dem feind entpörē. Vñ so die Türckē also mit
zweyerley

zweyerley forcht vmbgeben / wirt yre sach vnd vorne
men nicht kleinen nachteil gewinnen. Auch lesst sich
die Natur vormergken / als wolt sie ewerm vornemen
geneigt sein. Diese gelegenheit / die ich itzunder sagen
wil / zu den vorigen erzelten mit sich bringende. Auch
flusst die Donaw das namhafte wasser / welchs
auch zuor angezeigt / in der feynde landt / derhalben
leichtlich die kriegsrüstung vnuorsert / desgleichen ge
nugsam profant / vnd das kriegsvolck frisch vnd ge
sund hinab gefurt mögen werden. Den feynnden ist es
herwiderumb alles entgegen / Derwegen so sie sich wy
der euch zukriegen vnterstehen / vnterstehen sie sich wi
der die Natur / welchs gantz schwer / zukriegen. Zum
letzten / wer glaubt nicht das Gott der allmechtig bey
vns sey / dieweil wir eine gerechtere sach zu kriegen ha
ben / vnd einen bessern vnd warern glauben / So wider
umb die feynde vns on vrsach mit krieg belestigent / vñ
einen Gottlosen affterglauben haben. Ihu ist wißlich
das gemeiniglich die vberwindung auff deren seiten
gestanden / die do rechtlich gekrieget / vnd die den wa
ren Gott warhafftig geehret / haben / glückselliche krie
ge entpfunden. Wer mag dann an der vberwindung
zweyfeldn / so auff diesem vnserm theil / Gott der almech
tige streittet / auff yrem theil / Mahomet der hoffertige
mensch. Auff vnserer seitten die waren Gottes anbieter /
auff der andern die Gottlosen affterglaubigen. Auff vn
serm theil edle Könige / Fürsten / Braven vnd Herren /
auff yrem der Tyran vñ die schändlichsten blutmörder vñ
hencker. Auff vnserm tapffere vñ behertzte kriegsleute /
auff yrem forchtsame vñ flüchtige reuber. Auff vnserm
die streitparn einwoner Europe / auff yrem die vnstreit
baren weibischen vnd zaghaften Asianer. Auff vn
serm die allerzirlichste keuscheit / auff yrem schendli
che vnreinheit. Auff vnserm die billikeit vñ gerechtikeit
auff

auff yrem vnbillikeit vnd gewalt. Endtlich auff vnser
rer seitten die tugende / auff yrer alle laster vnd bosheit.
Welchs so es sich dermassen hellt / so acht ich es sey ge
nugsam erklet das euch der kriegt leicht zuführen vnd
volenden.

Nhu aber wil ich sagen das euch dieser krieg nütz Das di
lich. Dieweil dann alle völgker in Europa streitbar sein ser kriegt
So sein es doch die Tewtschen vornemlich / der mey vortreg
nung / so sie außserhalbem yres landes nicht zukriegen lich vnd
haben / so suchen sie vnter ynen selber vrsach zukriegen. nütz.
Also haben vorzeittē die Hermanduren mit den Cattis
vmb den fruchtbarē Saltzflus / den man heutzutage
noch die Sale nennet / gekrieget. Also haben die Mar
comanni die Boier vertriben. Also haben sich die west
gothen widder die Ostgothen auffgelenet vñ entpöret.
Also auch habē die Francken die Longobarden besche
diget. Auch habē zu vnser zeit / damit ich viel geschicht
aussen laß / die Schwaben den Schweitzern / die Wir
tenbergischen den Schwaben / die Belrischen den Do
lendern vnd Brabandern krieg zugefüget. Wolt jr nhu
Tewtschland / das sehr nütz vnd von nöten ist / von
kriegen vnd rauberey ruigk vnd gestillt sein / so rüstet eu
ch mit waffen widder den Türcken. Dann die vnsern
lassen sich duncken es sey vnartig vnd trege (wie Cor
nelius Tacitus schreibet) mit arbeit vnd schweys er
langen / das mit blutnorgissen geschehē mag. Derhal
ben suchen sie allwege vrsach zukriegen / vnd so sie der
selbigen keine in yren landen finden / ziehen sie dornach
in frembde landt. Also haben sie vorzeitten vnter Kaiser
Julio gekrieget. Also haben sie newlich bey dem König
vō Frankreich Sold vordienet. Also auch in Welisch
en landē vnder vnserm allergnedigsten herrn dem Kai
ser mitsamt den Hispaniern grosse kriege gefürt. Dañ
die vnsern sein allwege dem fride feyndt / vñ dem frige
D i holdt

holdt gewesen. Vñ wünschen also / zum mehrern mal /
aus angeborener lust vnd begyr so sie von natur zu dem
Kriege haben / hinein / vñ erweilen ynen selden / wie dan
andere Kriegsleuthe auch pflegen zuthun / das theil so
gerechtigkeit hat zu kriegen. Dieweil aber vber das alles
die Asiatischen reichthümer / damit der Türck Constan
tinopel reich gemacht / bey menniglich beruffen / des
gleichen die grossen raube / die er aus soviel vberreich
en landen zuhauff gesamelt / vnd die Kriegsleuthe ge
meiniglich nicht so gros achten vnd schätzen die billi
keit vnd gerechte sach / als den reichlichen Soldt vnd
treffentliche bewarte / So seint sie an disz ort zufüren / do
sie die ding alle reichlichen vnd mit mherer vbermas er
langen mögen. Von der art disz notwendigen Krieges
laß ich mich duncken sey genug gesaget / Vñ fortthin
wil ich sagen mit waser weyse derselbige zuuorfüren.

Den ehrlichen Christlichen vñ notwendigen Krieg
bedencht mich dermassen nicht anzustellen / wie etzlich
jar die Christen gepfleget / vorwar mit vnserm gering
en ader gar keinem nutz / sonder grossen nachteil vnfal
Wie die vnd schaden. Das ist aber yr meinung gewesen / Sie ha
ser Kriegt ben sich bevlissen / die Grentzen mit besetzung zusterck
anzustel en vnd bewaren / welchs / wie yr vorstehen werdet / vor
len were. geblich gewesen / vnd euch / so yr dergleichen thun wer
det / nicht weniger sein wirt. Dann so die besetzung zu
klein vnd schwach ist / so mögen die Lender von dem
einfall der feynde nicht allein nicht vortediget werden /
sonder gar nicht erhalten. In solcher weyse werdē die
Land geplündert / vñ die in der besetzung müssen in die
gewalt der feynde kōmen. Also ist Rhodis / dieweil sie
nicht genugsam besetzt / verloren. Also Rrichischen
Weissenburg. Also auch andere Stetthe vnd Schlösser
an der

an der Saw vnd Dunaw gelegen. Seindt aber die besetzung gros / so werden sie schwerlich vnd mit grosser vnkost erhalten. Dieselbigen gleicherweise wie sie euch sicher machen / also würden sie euch mit der zeit gantz vnd gar ausschöpfen. Vorwar wolten wir das geldt / so man viel jharher ausgeben zubeschützung der Grenzen / vnd newlich Wienn von der belegerung znentledigen / in ein Summa vorsamen / So würde man befinden / das mit demselbigē gelde ein rechtschaffner vñ vorharrlicher krieg widder den Türcken / hette mögen gefurt werden. Weyther kan ich nicht abnemen / wie euch solche besetzung genugt rucksam machen können. Dann werden starcke besetzung in Kernten vnd Kreichen gelegt / so vberfelt der Türck Steirmarck. Legt man sie in die Steyr / so füllt er in Osterreich. Legt mans in Osterreich / so füllt er in Mherern. Es were dann das yr ein solch gewaldig vnd starck heer in itzlichem diser Lender erhalten wollet / das sie dem einfall der Türcken widderstandt thun möchten. Dasselbige wie es den landen vntreglich / also wirt es euch lang zutreiben seer beschwerlich sein. Lasset nhn gleich sein dieselbigen heer gewaldig / Seind sie aber des Türcken gesterckten macht nicht gleich / so werden sie sich nicht mit yme schlagen dörffen / Sonder sich müssen in die bevesten Ste te vnd Schlösser geben / Vnder des werden die feynde mit wunderbarlicher eyle / wie sie dan pflegen / die ganze gegend / ehe yr yn zuhülffe kömet / vorwüsten.

Aber es möchte einer sagen / Es ist von vnnöten / das wir vns als sehr fürchten / Dann es sein viel jhar vorgangen / nachdem der Türck in Kernten gezogen / vnd dasselbige vorheert / dersyder ist er nicht wider kommen. Also auch itzund / wiewol er Osterreich verwüstet / so wirt er doch in viel jharen nicht herwider kommen.

D ij Dero

Dero meinung vorheissen yrer viel ynen alle ding / mit
sicherer hoffnung / vnd gedencen nicht an vorgangen
schaden / hütten sich auch nicht vor künfftigem. Ge-
schicht derhalben / dann dieweil sie kein betrübnuß er-
litten / lassen sie sich ander leuthe schaden desteweniger
anfechten. Aber es hat warlich itzt gar viel ein andere
gestalt / denn dieselbige zeit / mit dem Türcken. Er krie-
get dozumal im auffgang der Sonnen / mit dem Sol-
dan / mit dem Könige von Persia Sophi genant / mit
den Rhodiser Herren / Endtlich mit den Vngarn. Nu
hat er den Soldan aus Egipten vñ Syrien vertriben /
den König zu Persien ime (wie man sagt) zinsbar ge-
macht / Rhodis erobert / vnd Vngarn vorheeret. Aus
soviel Triumph vnd vberwindung / die er vñ sein vat-
ter in wenig jaren in Asia / Africa / vñ Europa erlang-
et / ist er also hoffertig wordē / das er nicht allein nicht
ruhen wil / Sonder ym auch das Regiment vñ gebiete
der gantzen werlet / mit vnterdrückung der Christen-
heit / vorheische. Ober das / so er gleich wolt ruhe ha-
ben / gesteen im seine kriegsleute / ja die erwegene mör-
der / des raubens gewonet / dasselbige nicht / Sonder
reytzen den Tyrannen vmer mher vnd mher newe krie-
ge anzufahen. Welchs so sichs warhafftig dermassen
hellst / ist es nicht vortreglicher vnd besser / das yr selber
mit einem grossen gewaldigen heer / in sein land zihet
dann das yr ime gestattet / abermals in ewern Vatter-
landt zuwüthen : die äcker vorwüsten : Dörffer vñ Fleck-
en verbrennen : Frawen vnd Jungfrawen schenden :
geschendt zutodt schlagen / vnd also die vorunehrung
dem todtschlage / vnd den todtschlag / der vorunehrung
zufügen : Kinder vnd Seuglinge vor dem angesichte
der Eldern auff pfele stecken / adder zerhawen / vnd inn
heusern auffhencken : Die geburt in Mutter leibe er-
würgen / ader heraus schneiden vñ neben die ermord-
ten

ten mütter erbermlich legen? Die Eltern im angesicht
der Kinder vmbbringen? vnd alle heyligkeit vnser glau-
bens schendē? Was mag aber vber dieses alles schwe-
rers vnd grausamers geschehen ader gesagt werden?
Das wir am nechsten Osterreich erliden/nicht haben Erberm-
on grosse schmertzen gehört / nicht on grosse schande liche cla-
vnd vnehre Tertzscher Nation vnser Vatterlandes ge des
nachgelassen. Welches Vatterland nachdem es sich Vatter-
vns als kleinmütig solch vnrecht vnd nachteil / vonn landes.
Türcken ime zugefüget/dulden vñ leiden/vñ vns auch
noch nicht zu der wher stellen / wirt es also heimlich
mit yme erbermlich vñ klagende zureden vormarckt vñ
angehort. Bewegen euch nicht solche scheden/so ich
erliden? todtschlege? brannt? beraubung? Der Tür-
ck hat mordtlichen in mein yngeweyde geweldiglich
gegriffen/vnd in mein Einwohner gewütet. Meine erz-
ogene zu dinstbarkeit hinwegt gefurt / frolocket noch
rhmlich von meinem schaden. Gar viel ehrlicher were
es/das yr mennlich streittende stürbet/dann frembder
hoffart ein gespött weret. Weh mir/so ich gedenck an
die entblösten gefangen/vnd vnder ynen sehe züchtige
weiber vñ jungfrawen/den schnöden Kauffern schendt-
lich verkaufft werden. So ich zu gemüte faß/den sohn
von den armen der elenden betrübt vnd weinenden
mutter/gerissen werden/vnd an ein ander ort die müt-
ter/an das andere den sohn vorkaufft werden. So ich
gedenck ein kawsche tugentsame fraw/im gesichte ires
mannes/als ein lose Bübin vnd gemein weib/gehan-
delt werden/vñ wider yren willen einem andern mann
geben. So ich endtlich ermesse/die Edelsten männer
von schnöden Bawern alle ding im hawfs vnd felde
auszurichten / vmb ein gering gelt gekaufft werden.
In keinen wege hetten meine albe Tertzschen den Tür-
cken solchs vngestraft gethan haben geliden/ welche
D iij meine

meine feynde nicht allein gewalbiglich vortriben / son
der deren viel meinem gebiete vnderworffen / Etzlichen
nachdem sie dieselbigen vberwunden / haben sie yhnen
meine sprach zureden eingefüret. Den andern so sie die
erschlagen ader vortriben / haben sie yren landen mei
nen nahmen eingepflantzet. Dann nachdem mich die
Römer ynen zuvnterwerffen bevolien / haben sie yhrer
vormessener kunheit nach / billiche pein entpfangen.
Darus ist von Arminio mit dreyen Legionen vnd allen
yren gehülffen erschlagen. Die Hunen haben Schwa
ben vñ Francken verwüestet / aber der gros Kaiser Karl
mein erzogener / hat es jnen dermassen vorgolden / das
er sie gantz hat ausgetilget. Die Sclauen nachdem sie
meiner Tewtscher wonunge / welche sie vorlassen het
ten / eingenomen / vnd dieselbigen erweytern wolden /
haben sie die Kaiser Otten vnd Henrichen nicht allein
hinwegt getrieben / Sonder ynen gar vnterworffen vñ
jerrlichen zins zugeben / gezwungen. Zum letzten / do
die Ungarn die Sclauen vortrieben / sich bey der Dun
aw hetten niedergelassen / vnd ettlich meine gegenden
mit krieg anzutasten kun gewesen / sein sie vñ den Kern
tern mit einer grossen schlacht beschediget. Desgleich
en von Kaiser Otten heer auff dem Lechfelde erleyet
worden. Was sol ich viel sagen? Niemand hat bisz an
her meine Tewtsche one schaden mit krieg angetast.
Es sey dann / das yr die offentliche vnd beruffene vn
billikeit mir newlich widerfaren / rechnen werdet / wer
den alle leugnen das yr meine echte vnd eheliche kinder
seyt / Sonder sagen das yr vnehelich ader gantz vñ gar
aus der art geraten. Also möcht reden Germania vnser
Vatterlandt.

Was ist euch aber zuthun? Was? Man mus ein
gros gewalbig heer vorsameln / vñ von stundan / auff
den

den fr̄eling dasselbige in der feynde Landt f̄hren / vnd
einen krieḡ anfahen / domit man des Gottlosen feyn
des vnbilliche tadt straffe / domit vnser Vatterland vor
tediget / domit den christē mit schwerer p̄rde der dinst
barkeit vnterdruckt zuh̄lffe k̄men werde. Daben die
Krichen vmb Helena eines weibes willen vom Paride
hinweḡ gefurt / einen zeh̄erigen krieḡ mit den Troi
anern in Asia gef̄ret. Daben die R̄mer v̄ wegen irer
mitgesellen / die ynen ferne entlegen waren / zubesch̄tz
en / off̄t zu yren waffen gegriffen. Daben vnser Vorfa
ren in frembden Landen vmb geringer vrsach willen /
off̄tmals tapffer gestritten / Was vor ein vnart vnd vn
billiche gedult ist das? den T̄rcken der nicht fern von
euch ist / leiden ewer T̄ewt̄schland vngerochen vor
w̄ist haben? Kirchen vnd Clausen zerst̄rt? leuthe vn
serer sprach / glaubens v̄n gebl̄tes hinweḡ zu gefenck
n̄s gef̄ret? vnd euch abermals in ewern heusern v̄n
lande seine zukunfft erwarten? den alden T̄ewt̄schen
zuentkegen / deren eigenschafft gewest die feynde mit
grossen vnd vn̄berwintlichem gem̄te außerhalbē
des Vatterlandes zusuchen / vnd nicht yre zukunfft do
heyne zu hawse zaghaftig erwarten.

Wie gefahrlich es aber sey / dem feinde gestatten /
sich mit vns im Vatterlande zuschlahen / Sollen euch
die R̄mer ein ebenbilde sein / die sich gemeiniglich in
Welischenlanden vnd yrer wonung vngl̄ckseliḡ bes
sch̄tzet. Des ist ein gezeuwg Rom selber von den Se
nonern gepl̄ndert. Des ist ein gezeuwg die gegendt
Canne / welche mit viel der R̄mer blut vom Danni
bale geschlagen / besenchtet. Es ist auch ganntz
Welischlandt des ein gezeuwe / Welches vonn der
Cimbern

Cimbern/die Tertzsche gewesen/waffen erschreckt /
durch wüftung der Gothen zerschlaiff / durch grau-
samkeit der Hunen zerstört / durch vberfallen der Con-
gobarden eingenomen . So doch die Römer fern von
haws so glücklich getriget / das sie vhaft alle Land vn-
ter yr gebiete gebracht.

Derhalben ist ewer heer / in der feynde land / wolte
yr anderst ewern sachen geraten sein / zufüren . Es solt
euch auch nechst kein winter / so hartt gedaucht ha-
ben / der euch diesen feyndt von stundan zuuorfolgen
gehindert hette / kein schnee so tieff / der euch von dem
angestalten zuge gesenmet / kein wasser so gros / welch-
es ewern billichen zorn / dadurch beschlossen den zuge-
wanten schaden zurechen / gesenfftiget . Es waren vor
Wienn / wie yr wißt / mher dann zweyhunderthausent
mann / aus allen Tertzschen landen erlesen / zuhawff
kömen / so wol mit allerley waffen gerüst / das kaunet
einen gedaucht / das der gantz freys der werlet / ich ge-
schweige der Türck / ynen hette sollen ader mögen wi-
derstehen . Aber dieweil der listige feynde geflohen / ge-
wißlich von disem allen durch die vorräter vorstendig
et / laßt yr ewer heer mit erbarmung beweget / mit zorn
entzündet / vnd zustreiten begirigt / abziehen . Aber yr
soltet euch billich der waffen gebraucht habē / zuuorn
ehedann solche begyr verloschen / ehedann die zäher /
welches gar leicht geschicht / vorsigen / eher dann die
zeit den zorn gesenfftiget . Dieweil ein wunde frisch ist
vnd schmirtzet mus man pflaster vberlegen / also auch
dieweil das gemüte durch vnbilliche tadt beweget /
mus man zu der wher greiffen . Dann was ist das vor
ein vmbgearte weyse vnd vorseumung / das heer zu
vorlauffen lassen? Darumb villeicht das die vnsern der
felde nicht gewonet? Was können wir sagen? Ist ein
volgt

volgt das feldē leiden kan / so können es die Tewschen
en auch leiden. Nhu wol an / man laß gleich diese vr-
sachen obligen / Wir hetten einen langen weg zureysen
gehabt / vñ dieser zeit des jares zunorbringē seer schwer
Man hett auch nicht leichtlich in solcher eyle genug-
sam profant vor ein solch gewaldig heer gehalten mö-
gen. Es warē auch die schiffe / ob gleich alle notdurfft
zu solchem treffentlichē krieg were vorhanden gewesen /
mit welchen man dieselbige hett mögen hinab führen /
nicht gefertiget. Nhu man hab gleich in diesem recht.
Was ist dann vor ursach / das jr nicht mit einhelligen
gemüte auff künfftigen Frülēg einen kriegē vorzunē-
men beschließet : welchen man ettlich jar nach einan-
der in des listigen vñ grausamen feyndes landen führe :
Wollt jr solang vorharren biß Mehrern ader Bayern
vorheert werdē welches so es nhu geschehen / so wirt
man alsdann erst knecht annemen / vñ ein heer vor-
samlē / auff das man sich mit dem feynde schlahe /
der hinderlistige fuchs / wirt abermals mit gesameltem
raube euch aus ewern henden entpfliehen / welches jr
aus nechsterlidenem schaden weys worden / billichen
soltet in frischem gedechtnis behalden / alsdann wer-
den wir aber vnder einem schein eines scharffen win-
ters / ader anderer ursachen halben das heer enturlau-
ben vñ zurlauffen lassen. Wirt yme dann das dritte mal
widerumb zukomen gestattet / ist zu fürchten das er glei-
ch wie zunor (das doch Gott der almechtige alles vor-
kōme) Schwabenland ader ein anders vorwüste. So
man dann hindernach zu der wher den feynd zunorfol-
gen greiffen wolde / ist zubesorgen es sey zulang gehar-
ret. Dann werden diese land vorheeret / so seindt ewere
kressen sehr geschwecht / vñ wirt vnser aller gemüt-
he nicht ein wenig vorzagen. Der feyndt aber in begyr zu-
herrschen entzündet / nachdem er ewere nachlässigkeit vor-
E i merck

mercket / wirt sich vnter stehen dörrffen / auch in andere
ewere Land / nach seiner gelegenheit / einzufallen. Des
gleichen durch ewere güther gereichet / wirt on zweyfs
fel teglich grössere zuerlangen vorhoffen. Auch wirdt
er / vorschmeihende vnnsere vnehrliche gedult / zurasen
mher vnd mher beweget werden.

Derohalben erfordert Tewtschlandes wurde / vñ
grosse not / das yr des feyndes lande heimsuchet / wel-
che er entweder vorlieren mus / adder euch ein schlacht
liffen / Dañ er mag nicht in bevestunge fliehen / weil
er derselbigen wenig hat. Vrsach / das durch sein wüt-
terey vhaßt alle berühmte Stetthe vñ vorwarte Schlöß-
ser zu bodem sein gerissen vnd geschleiffet.

Die alden Tewtschen / das ich abermal vnd aber-
mal sage / seint oft heffigk ausgezogen / vnd haben
streitbare land vnter yren gewalt gebracht / auch vn-
der sich geteilet. Was hindert hentbeytage das solchs
nicht auch geschehen könne? Möcht einer sagen / Es
mangeln vns waffen / vñ der feynd ist mit denselbigen
gerüstet. Was sagt der? Tewtschland hat nie bessere
vnd mher waffen gehabt / dann hent dieses tages. Die
Türcken herwiderumb / den vnsern vorgleicht / werde
blos vñ vngewehrt gesehen. Dann yre Säbel / mit den
Schlachtschwertern die ewere Landtsknecht inn krie-
gen zubrauchen pflegen / vorgleicht / scheinen messer-
lein sein. Die Türcken füren hohle vnd schwache spieß /
die ewern aber hartte / derbe / vñ viel lengere. Yre heup-
ter decket ein punt vnd spitzig hütlein / der ewern storm
hauben vnd helmlyn. Die ewern sein angelegt mit pan-
tzer förder vnd hinder theil / sie aber sein angezogen mit
ausgenaten jecten. Vorwar wann yr stechet vñ rennet
ader ettwa auff einen tag zihet / seyt yr besser vorwart
vñ angelegt / dann die Türcken zu der schlacht gerüstet.
Möcht

Möcht einer herwider sagen. Die Türcken haben viel
handtror / von welchen vns kein harnisch genugsam
vorwaren kan. Gleich als wir Tewschen / derselbigen
büchsen erfinder / yr nicht mher dann sie hetten / Auch
zugleich mit den Hispaniern derselbigen nicht besser ge
brauchen wüsten. Es seint aber / möcht er widerumb
sagen / abtrünnige Walhen bey dem Türcken / mit den
selbigen büchsen / auch harnisch wol gerüst. Wolan
lässt sie gleich bey yme sein / wie wenig aber sein dersel
bigen / vnd vorwar werden sie euch sehen tapffer vñ be
hertzt streitten / werden sie yre wher / aus rawe beweget
zugleich mit euch in die feynde wenden. Alder so sie das
selbige nicht thuen / wirt es euch / vñ den ewern / nicht
schwer können sein / so wenig Malen nun zurzeit vber
winden / der yr offft zuuor viel vberwunden. Möcht
noch einer sagen. Die vnsern aber haben itzundt das
hertz nicht das sie vorseitten gehabt. Dirauff sag ich /
das wir Tewschen noch so behertzt vñ in anschlegen
viel geschickter sein / welchs die newlich vorgangenen
Kriege genugsam erweisen. Ich kan auch nicht glan
ben das die vnsern in diesem Krieg nicht solten behertzt
ter sein / dann sie yrgent in einem andern ye gewesen.
Dann es wirdt nicht ein Tewscher den andern schla
hen / Nicht ein Christ einen andern Christen / Sonder
ein Tewscher einen Türcken / Ein Christ einen vngleu
bigen Mahometischen. Endtlich möcht ymant sagen.
Werdē wir der gestalt / wie du sagest / wider den Türck
en Kriegen / so werdē wir mit einem gülden hamen visch
en / vñ wirt also die vnkost grösser sein / dann der nutz.
Welches ap es gleich war were / yedoch dieweil Tews
schland / so ein grosse gegend ist / wie es dann zusein an
gezeigt / so kan es grosse vnkosten vnd darleg notwen
dig zum Kriege / wol ertragen. Vnd yhr sollet billich
alles darstrecken / damit die Lande von dem trübsal er
lediget

¶ ij lediget

lediget werden möchten/ welche man auch nicht vn-
billich von forchte freyhen solde.

Das schwere vbel/hat itzund Osterreich erliden.
Steirmarck erzittert/vor größe der künfftigen gefehrli-
keit/bereyt zumtheil geplündert vnd beschediget. Kern-
ten ist vor schrecken vorzaget. Krehen ist nimmer sicher
vor einfal der feinde. Es fürcht sich treffentlich Bayer-
land. Mehrern ist erschrocken/Schlesia zittert vnd py-
demt. Vnd diese alle lande bitten ewer Kd. Ma. Churf.
vnd. S. G. mit einhelliger stimme/das yr sie euch lasset
befohlen sein/begereu ewere hülff vnd beystandt/ vnd
warten auff ewer zuthuen. Denen in der zeit von euch
hülff zubeweisen ist/vñ rath zuschaffen. Vñ es sey daß
das solchs geschehe/werden dieselbigē land aus groß-
ser forcht des krieges vnd vnauffhörlichem einfal der
feynde/wüst werden. Dann wer wil den acker bawen/
der nicht weys ap er des getreydes/dieweil es allzeit in
zweyfel stehet/geniessen möge? Wer wil bowme pflan-
tzen/so er vngewys/ap es yme gepüren kan/die reiffen
früchte abzubrechen vnd zugeniessen? Wer wirt dörf-
fen das viehe weyden/so er sich kein zeit sicher weys/
von der zukunfft vnd vberfallen der schnellen rauber vñ
hemischen Martolosen? Weyther/wer wil whar in die
landt bringen/so er sich fürchten mus das sie der Tür-
ck genohmen hinweck führe/ehe vnd er sie vorkauffen
möge? Wirdet dann also der ackerbaw vorlasset/die
viehezucht vorsaumet/vñ die boumpflantzung auffhö-
ret/auch der handel stilleleyt/so ist es schon geschehen
vmb ein itzliches/auch das allerfruchtbarste landt.
Welche ding yr vornemlich in acht haben soltet. Dañ
so der gedeyge der lande nicht erhalten wirt/so mag
die wirde ewerer hirschung vnd Reichs nicht lang be-
standt haben. Seindt

Seindt nu etzliche die den Landen mit yren dar-
thuen nicht wöllen zuhülff kömen / vñ sich der andern
Erbare besleissunge vnterstehen zuuorhindern / diesel-
bigen glaube ich das sie wider vnser aller Vatterlandt /
nach dem Tewschen nahmen / auch nicht dem Chris-
stenglauben wol wollen / Sonder das sie einen Türck-
en heimlich in yrer brust neeren / adder einen hefftigen
neyd / sehr schedlich Tewschen landen / in yren hertz-
en tragen. Derohalben ap gleich haß / neyd / zweyleuff-
te ader zwyspalt vnder vns Tewschen weren / solten sie
sich doch vmb gemeines nutzs willen / vnd der mackel
vnd vnehr / dem Tewschen lande / im nechsten Kriege
zugefüget / auszutilgen vnd abzuwaschen / hingelegt
werden.

Das yr aber gleichmütig ader eintrechtig leicht-
lich seyt / haben genugsam beweiset die nechst Krigsbe-
wegung / nicht on grosse hertzliche freude eines itzlich
en Erbarn vnd fromen mans. Dann yr habt alle mit
voreinigten gemüte vnd Rathe zu der werher gegriffen.
Vnd vorwar zugleich / wie ewer vormeinte zwyracht
vnd vneinikeit von etzlichen Vngaren vnd andern also
dem Türcken angezeigt in Osterreich gezogen / so hat
yn ewer liebliche vnd freuntliche einikeit / wie sie dann
genugsam sich erweist / alsbald sie dem Tyränen kond
wurden / sein gemüt vnd hoffart also gar nidergeschla-
gen / vnd yn gantz aus demselbigen Osterreich vortri-
ben / Also das er auch die nechsten Schlösser die yme
vorraten waren nicht küne gewesen zubeschützen / Son-
der sie den Vngarn on besetzüg mit den seinen gelassen.

Der Türck hellt zwyracht vor das fürnemste in-
strument vnd wergkzewgk / damit er die gewaldigsten
Reich bisz inn grund vmbzükere pfleget. Derohalben
er dieselbige entsprissende mit heimlicher vnd vorbor-

¶ iij Gener

gener list keinem gelde vorschonende / mheret. Wu aber
keine vorhanden / aber ye gleich schlaffende / erwecket
er solche vneinikeit / mit waser weise er kan vnd mag.
Dann mit diesen vrsprungen / hat das Reich der Tür-
cken vnder Otmano erstlich sich gewaldig zuerheben
angefangen. Mit dem fůrgang / hat es vnder den an-
dern Türckischen Tyrannē / die yme hernach im Reich
gefolget / zugenohmen vnd gestigen. Der gestalt stede
es vnder Solimanno dem bescheiden jünglinge itzund
gleich als am höchsten. Vnd domit ich vmb kurtz
willen aus vielen geschichten wenig erzele / vnd alleine
die sich gewys in Europa begeben haben / so mercket.

Do Cantacusenius mit Joanne Paleologo Kaiser
zu Constantinopel zu vnfride ward / haben die Türck-
en (von Cantacuseno yme hülffe zuleysten gefordert)
zum ersten mal yre waffen in Europam bracht. Dorna-
ch gefordert von dem Paleologo selber / dem sein Bru-
der ein Fürst Peloponesi Krieg zugefüget / habē sie meñ-
lich des Kaisers theil geholffen. Aber / dieweil sie diese
gelegenheit erwüschet / haben sie vnder dem schein ime
zuhelffen / balde Calipolim / mit andern viel Stetthen /
dieweil die Krichen zwyspaltig / eingenomen vnd ge-
wonnen. Daben auch nicht geruhet / nachdem sie der
Krichen herschung vnd Kaiserthamb vmbgekart / son-
der haben auch Epirum / Dalmatiam / Illiriam / Sir-
fen vnd Boszen / auch Bulgariam yrem gebiete vnter-
worffen / alle yre Fürsten erwürget / ader veriaget. Also
am nechsten do Ludwick weylant König zu Ungarn
vnd der Daiuoda nicht wol vberintraffen / ist der Tür-
ck durch ein solche gelegenheit bewegt worden / ader
von Daiuoda (wie man sagt) selbst vnruig gemacht
vnd hat das Ungerisch heer / vnder welchem auch der
König vmbtomen / erleget. Desgleichen von demsel-
bigen

bigen Vainoden widder den König Ferdinanden ge-
reitzet / Ist er nicht am Vngerland genügend gewest /
Sonder türstig in ewern Tertschen landen zustraffen
vnd Wienn belagern. Vr sehet ye / mein ich / der Türck
en meinung / mit welcher sie die grossen vnd gewaldis-
sten Reich umbkeren. Wher vorsehe ich mich / man ist
innen worden seiner hinderlist / Nemlich / das der Vai-
uoda also von jnen vnterweiset / ettlich durch die seinen
mit gelt vberwogen / die yme hülffen / vñ sein sache er-
höben vñ lobten / des Königes niderschliessen vñ schen-
deten. Welches so es nicht außbrochen vnd vorkundt-
schafft were / was wer zukünfftig gewest / was anders
dann das die Christenheit / an yren selbst vorwanten /
vorterb erzogen hette. Dann wir können vns wol vor
einem frembden feynde hütten / aber ein einheimischer
ist fehrlicher / das er vnser anschlege vnd heimlichkeiten
erforschen / vnd dem gegenfeynde verraten kan.

Das seint vorwar schwinde hendel / aber gar viel
hefftiger vñ schwinder / die vorwüstug der äcker / brant
raub / todtschlege / welche solcher manterey zu folgen
pflegen. Welches alles durch des Vainoden anschlege
vñ boshafftigen rath / vñ des Türcken macht vnd ge-
walt / in Osterreich sich leider begeben / vñ man solt ge-
statten / das ettlich in der Christenheit wandelten / die
des Vainoden sach lobten / dieselbigen was theten sie
anders dan das sie dem hefftigen feinde glimpff mach-
ten / vñ dem edlen Könige vnbilliche feintschafft. Dan
das gepöfel vñ gemeine volgt wirt nicht weniger dur-
ch lügen dann durch warheit beweget auff das es ett-
was libe ader hasse / vñ also schleicht heimlich ein sche-
deliche senche in die gemüte der menschen / welche ehe-
dan sein vorgiff mag geprüfet vñ gefület werdē hat es
treffentlich beschediget. Vr werdt sonder zweifel solchē
boshafftigen

boschafftigen menschen vnder fromen vnd Erbarn leu-
ten zuwandeln nicht gestatten / Sölchen schedlichen
feynden sich der Christen land zubrauchen nicht vor-
günnen / Sölche schendtliche vorräter (wie dann be-
reyt ettliche yren lohn entpfangen) nicht leben lassen .
Vñ euch also beweisen / als liebhaber der Christenheit
vnd Vatterlandes / ernstliche Streffer der boszheit.

Die zuerspaltung aber im glauben welche sich
auch dermassen ansehē leßt / als ap sie die einikeit Tew-
tzscher Nation zuertrennen wolde / mag leichtlich dur-
ch gleichmessige vorschlege vnd guthe mittel vñ euch
auffgehoben / ader auff das wenigste glimpfflich ge-
stillt werden . Dann werdt yr euch durch böser lenthe
rath vnd anreizung (das der almechtige woll vorhüt-
ten) die säch mit dem Schwerdt auszutilgen vnterste-
hen / So werden ewere creffte vnd macht (welchs der
Türk hefftig one zweyfel begerdt) zu ewern selbst ey-
gen vortreiben niderligen vnd einn schwinden fhal ley-
den . Desgleichen die güther vnd kriegssteuer die zu-
erhaltung vnd mherung Christliches standes vñ nutz-
es zuwenden weren / würden nicht on merliche grosse
clage der vnderthanen vnnützlich vmbbracht . Derohal-
ben seint nicht die spaltung mit waffen ader kriege fer-
ner zuerwecken / Sonder fride vñ einikeit / durch gleich-
messige condition vñ mittel zusuchen . Welches yre one
zweyfel ordenen werdet zugeschehen / So yr anderst vñ
hertzē wollt ewere Regiment vñ den Christlichen glau-
ben wachsen vnd zunemen / vnd der feynde widerumb
abnemen vnd gemindert werden . Das aber solchs ewer
hertzlich begyr vnd gemüte sey / trag ich keinen zweyfel
Derohalben leget erstlich vmb liebe willen des Vatter-
landes vñ Christliches namens / den heimlichen groll
so irgent einer vnder euch were / hinwegk / vñ beschlißst
einem

einen krieg in der feynde land zuführen / von welchem nicht ehe abezulassen bißolang der Türck aus Europa vortrieben / Aus Africa / darinnen er vber Egypten herschet / verworffen / vnd in Asia erlegt. Welches in ewern vormögen von den gnaden Gottes stehet. Vnd ap yr hierzu zuschwach / so müßt yr kriegsgehülffen erfordern / vō welchen ich endtlich gar ein wenig sagen wil.

Ich laß mich vorwar duncken / es sey nicht on Wasvor sonderlichen rath vnd vorsehung Gottes des almech-
tigen geschehen / das der Türck vns Tewtschen / die znerfor-
man aus geschichten weys allzeit vor andern völcern dern.
des krieges begyriß / behertzt / vnd vnüberwunden ge-
west / angreiffet vnd beschediget / zuuorans dieser zeit /
so wir einen solchen mechtigen vnd gewaldigen herrn
Kaiser haben / das er der macht Tewtscher Nation
durch sein herschung vnd gebiete / die Königreich zu
Dispanien vnd vhaß gantz Welischland / vorknüpffet.
So wir dich allerdurchleuchtigsten vnd hochberümp-
sten hern König Ferdinandum haben / der du vns auß
erhalten Behemen / soviel dir noch zu Vngarn traw
vnd glauben halden / voreinigest. Szo yr euch zweyen
Brüdern durch ewere hochgepreyste schwagerschafft
den gewaldigsten König vō Francckreich vñ den reich-
sten König vō Portugal verbindet. Dann die Könige
von Engelandt / Schotten / Denemarck vnd Schwe-
den / vnangesehen das euch der König von Engeland
mit Schwagerschafft vorhaßet / sollen billich mit euch
von wegen des Tewtschen nahmens (vnder welchem
sie auch begriffen werden) eintrechtig frid haben. So
yr folgende mit dem Groshertzogen der Moscobiter in
gutter einikeit stehet. So auch endtlich alle Christliche
Derr schafft vbereyn stimmt / außgenommen den Kö-
nig

nig zu Polen vnd Venediger. Vnder welchen der Pol
gesagt wirt/einen anstandt mit dem Türcken zuhaben
vnd die Venediger ein vorpündtnis. Aber vorwar die
Christlichen Könige ap sie gleich euch nicht weren vor
punden/so würde sie doch die gemeine gefahr / der sie
alle gleich haben zugewarten/eintrectikeit zubegeren
vnd auffrichten / vorursachen. Es würden auch die
Frantzosen ader Hispanier nicht weyszlich sagen/ wir
sein on alle fahr / der feynd ist noch fern von vns. Na
die Krichen sageten solchs auch zuuor vnd ehe dann
Asia kam in die gewaldt der Türcken. Die Vngarn ehe
dann Krichen mit den vmbliegenden Lendern von yne
erobert. Vnd wir Tewtschen ehe dann Vngarn vorwü
stet. Vorwar es würde ettwa ein theil von Franckreich
ehe vorheeret/dann gantz Tewtschland / welches bisz
an die Westerseer reicht / vnd doselbst vheste Stethe /
dann yrgent anderswo / auch gewaldige Inseln hat /
in die gewaldt des Türckischen feyndes keme.

Auch ist nicht gefreyhet von der gefahr Welisch
land / dann der Türck kan in wenig tagen hineyn schif
fen. Dergleichen hat auch ein theil Franckreich vñ Hi
spanien gegē vber Mahometische völgker / welche wie
leichtlich konden sie sich mit den Türcken widder vns
Christē vorpinden / dieweil sie einerley affterglaubē zu
gethan seint vnd halten. Die Venediger aber / die
fride haben mit dem Türcken / können wol ewer ehr
lich vornemen fördern / vormögens aber nicht vhaft zu
vorhindern. Vnd vorwar ap sie gleich mit euch wider
den Türcken nicht streitten wolten / müssen sie sich be
sorgen / das nicht yre Stethe bewege / durch yre vngü
tikheit / rechtlichen vnd billichen von ynen abfallen. Da
ben sich auch ferner zubesorgen / das nicht diser Türck
Solimannus / nhu gewaldiger worden / ynen Cipern /
Candia

Candia/vñ Corfeni mit waffen vnd gewalt einneme /
Wie ynen vorzeiten Mahomet (der erste diß namens
in der Otomannen geschlechte) Thessalonicam / vnd
Mahomet / der ander dieses namens / Chalcidem /
vnd Scodram / Pazaites aber Medon / Naupactum /
vnd Dyrrhachium / hat eingenomen. Auch wirt der
König vñ Polen ewerm vorhaben nicht entgegen sein
nachdem er vornomen / das yr euch mit einem hertzens
hafftigen vnd bestendigen gemüte / zu dem kriege wi
der den feynde Christliches namens rüstet / Als wel
cher sonder zweyffel ingedenck / was Ludwigen wey
landt König zu Ungarn / des Vatter soviel jhar an
standt mit dem Türcken gehabt / endtlich widerfaren /
auff das solches seinem Sohne nicht auch widerfaren
möchte. Ober das wiewol etzliche vnder den Polen /
die dem Vainoda vnd also durch yn des Türcken sach
en wolten geraten sein / So ist doch der gröste vñ beste
theil / der one zweyffel obligen wirt / der Christenheit
geneiget.

Dieweil nñu wir alle / als viel vnser sich des Christ
lichen namens rñmen / in einem Schieff sein / wer
den wir von einerley vngestñhme des Meeres vmbge
trieben / adder in gleichen port vnd strannt der sicher
heit glñglich bracht. Dann der allergeitzigiste feyndt
were nicht an Tertschen landen benñgig / so er diesel
bigen vberwinden kñnde vnd möchte / Sonder beger
te auch zuhaben die Reichtñmber Welsches landes /
der Frantzosen gñther / vnd die Schätz der Hispanier.
Würde auch nimmer kein ruhe habē dieweil eines Kö
niges adder Fürsten nahmen genannt vnd gehört wür
de. Vnd vorwar der fleischmörder würde sich vleyssen
wie er dann thut / aller Herrschafft das leben mit hin
derlist adder dem Schwerdt zunehmen.

§ ij Jaer

Ja er drowet auch bereyt an euch allen / vor der vber-
windung grausamlich gefencknis / schlege / quellung
vnd marter. Ihr aber dörrfft euch diß vhalß nichts
fürchten / dann die allerhabhaftigsten vnd gewaldig-
sten Reiche der Christenheit / stimmen hentbeytag / vñ
dem willen vnd gnaden Gottes des almechtigen / gar
hübsch vnd wol vbereyn. Derohalben wirt euch nicht
schwer sein dieses wüterichts drowen zuorachten / vñ
die Schwerter / so er vber euch entblößt / von ewern
halsen abgewannt / in sein selbst eigen hewpt einzu-
schlahen. Dann ich laß mich beduncken / das dieses
boshaftigen Otomannischen geschlechtes außrot-
tung itzundt gantzlich vor der handt sey. Das dieses
blutgyrigen des Türcken reichs ende herbey kommen.
Vnd das dieser vorfluchten Mahometischen Secten
vndergang yr vor der thür stehe. Des ich ein warhafft-
tig zeichen zusein vormeyne / diese allerlieblichste ein-
trechtigkeit itzunder euch vnd den andern Christlichen
Königen vñ Fürsten von den gnaden Gottes gegeben
vnd vorlihen. Welche wue sie ewere Voreldern hetten
gehabt / so stünden noch hentbeytage / soviel edler Ste-
te vñ Königreich im Asianer lande. Es were auch das
Constantinopolitanisch Kaiserthumb nicht in gewalt
der feynde. Es würden auch guthe künste in Rrichen-
lande / dorinnen sie erfunden vnd gezirt seint / noch gru-
nen. Der Christlich glaub würde desgleichen dosel-
best blüen / do er vorseit vortreffentlich geschinnen.
Aber durch vnser nachlessigkeit vnd vorhencknis Got-
tes / vmb vnserer sunde willen / sein soviel Königreich
der Christenheit entwendet / vnd also vorwüßt / das
sie in viel jaren kaum ein wenig erquicket / in yren alden
standt schwerlich aber nimmermehr widerumb gebra-
cht werden können. Rrichenland ist nhumals vhaß
Gottlos / vnd nicht weniger vngelert dann yrgent ein
Barbarisch

Barbarisch landt. Dieses aber alles gleich wie wirs
nicht on sonderliche schande vnd vnehr haben verlo-
ren/So möget yr es mit grossem rhum vnd ehr itzund
widerumb erlangē/dieweil die gewalt/vhast des ganz-
tzen Christlichen nahmens voreiniget. Derwegen eu-
ch leichtlich sein wirdt ein Armada ader mennung der
Schieff/mit allerley notdurfft vorsehen vnd gerüst/zu
vorordnen/Ein gewaldig vnd gros heer zu Ross vnd
fuß vorsameln/vnd dieselbigen etzlich ihar nacheinan-
der erhalten/vnd also widder diesen grausamen feynd
zu wasser vnd lande einn gewaldigen vnd beharrlich-
en kriegē führen.

Es wollen derhalben E. G. Großmechtiger Röm. Schluß
nig/durchlauchtige vnd durchlauchte Churf. vñ Für rede.
sten diesen krieg voller Ehr vnd rhum auff das förder-
lichste beschliessen / dazu bey zeit kriegsgehülffen for-
dern/yn auff nechstkünftigen Frülینگ gewaldig an-
fahen/das also die feynde entpfahen wirdige pein iren
lesterlichen tathen/vnd das yre crefft / damit sie hin-
förder nicht mögen schaden/werden zurknyrst / Auch
yre hoffart/die zugleich Gott vnd der mensch anfeyn-
det / vortilget werde. Auff das auch die Christlichen
Lender die bereitan itzunder an irem widerstandt dem
feynde zuthuen/zweyffeln/becrefftiget werdē/die new-
lich erbermlicher weyse belestiget vñ niedergeschlagen/
durch ewere hülff vnd beystandt erhoben/die vorlang-
est verloren / wider mögen erobert werden. Auff das
auch endtlich von euch ewere scheinbare reichthümer
beschützet / Guthe künste / die vnsern nachkomenden
mögen ewere tapffere tathen/vorzelen/von dem vnder-
gang errettet / Die Erbarkeit vnd vnser allerheyligster
glaube in seinen werden erhalten/ beschirmet vnd be-
schützet werde.

§ iij

Dem durchleuchtigsten Fursten
vnd Herrn/Herrn Ferdinando/des heylig-
en Römischen Reichs vñ zu Vngarn vnd Be-
ham ꝛc König/Infant zu Hispanien/Ertz-
hertzogen zu Osterreich ꝛc. Embeytt sein vñ
derthenige dienst Laurentius Berman.



Drchlauchtigster König/als mir des Do-
ctor Georgē Agricole Oration/die er vom
Türckenkrieg zufüren geschrieben/new-
lich zuhanden komen ist/hat sie mir wun-
derlich wolgefallen. Nicht vmb des wil-
len/das sie den jamer/so Tewsckland in vorgange-
nem jar erlitten hat/für augen stellt. Denn wer möcht
es on seufftzen vnd klagen hören erzelen? Sonder dar-
umb/das sie desselbigen grausamsten wüterichts ge-
biete (welchs ettliche mit grossen yr eygnem vnd ge-
meinem schaden begeren vnd wünschen wollen) der-
massen austreicht/das niemant/ wer ein gutt gemüt
hat/nicht solt mit billichem haß vnd zorn widder den
Landtmörder bewegt werden/welcher soviel vbels der
Christenheit anthut/darzu ym niemant vrsach gegeben
hat. Auch endtlich vñ des wegen/das sie weg vñ weis
anzeigt/wie derselbe Tyrann möge bestritten/vnter-
druckt vñ mit gröster eher der Tewsckchen außgetilcht
werdē. In welchem allen dieser man seinen vleys gegen
dem Vatterland wol erklet. Weil wir dan hoffen/das
ans anregen ewer königlichen Maiestat sol der krieg
entschlossen/vnd in E. Rō. Ma. namen gefurt werdē/
vñ diese Oration nichts anders thut/dan das sie yder
man dazu vormant/wirt sie vor würdig angesehen/das
sie vñ meniglich soll gelesen werden. Derhalben ich sie
E. Rō. Ma. zuschreibe/vnd vnder E. Rō. Ma. nahmen
ans liecht wil lassen ausgehen/dodurch vielleicht/ap-
nicht

nicht yederman / yedoch ein yeglicher Biderman / diesem
Krieg zu volgen / destehertzenhaffter werde . Denn welcher
hertzenhafft man solt nicht vmb des willē selbs begern. **E.**
Rö. Ma. Senlein nachzufolgē . Nemlich eins Feldtheupt
mans / der vō seinen Vranen ist der hertzenhafftigst vñ vor
sichtigst ? Das ich geschweig des Kaiser Rudolffs / Gra
uens zu Dabspurg / des erstē Kaisers in **E. Rö. Ma.** geschle
chte / welcher den streitbarsten König zu Beham Ottoca
rum vberwunden hat. Vñ dornach des Kaisers Albrecht /
welcher widder den Türcken ein heer gefurt hat . Vorwar
E. Rö. Ma. Grosvatter / Kaiser Maximilian / wissen wir al
le / das er zu vnsern gezeiten ist des Kriegshandels der aller
erfarnste / vnd von viel Kriegen vnd Sigen hochberümpft ge
wesen / vnter welchem so ich ettwā dem Kriegt nachgezogē
vnd zu feld gelegen bin / achte ichs nicht vor ein gering eer .
Welcher / wo er nicht mit todt (der ym zeitlich / aber gemei
nem nutz vnzeitlich was) abgangē were / so hette diser got
los Tyrān nu langst seinem lesterlichen vordinst nach / sein
straff empfangen. Diesen allen wie **E. Rö. Ma.** in starck
heit / weißheit vnd edlem geblüt gleich ist / Also vbertriefft
sie dieselbigen weyt in der macht. Es soll auch am vnkosten
nicht mangel haben. Denn so vorzeiten die Tewschen / ni
cht alle in gemein / sonder ietz die Francken / ietz die Schwa
ben / ietz die Sachssen / offtmals mit heres krafft nu in We
lischland / nu in Franckreich / nu anderswohin haben sich
rüsten vñ ziehen mögē. Wievilinher soll zu dieser zeit / so das
land vilbesser gebaut / vñ alle notdurfft zum Krieg in her vor
handē ist / am vnkosten kein mangel sein / wiegros der Krieg
vmer sein mag ? **E. Rö. Ma.** woll sich allein drauffrüsten /
mit Gottseligen waffen / das vatterland vñ vnser Christli
che Religion zubeschirmen / Gott zu freund haben / vnd yr
selbs ein vnsterblichē namen bey den nachkomen machen /
vñ diß geschenck gnediglich annemen. Geben im Joach
imstal am .15. tag Martij im .M. D. XXXj. ihare.

Wolfgang Stöckel.

[Faint, illegible text, likely bleed-through from the reverse side of the page.]

Augustini comedatio 5. In Epistola benedicti. ad magistram. Innotat ad p. 28.
platu d. 1. + glo. 2. mag. ra. 10. Vnde talmanituz In pedibz n. Inas rorpio
finitates n. excludendos. Vnde affictaz fieri mollioraz rorpio 2. pedu
ca eni hoc habuerint firmitat p. robustura fit. V. b. b. b. b. b.
5. In hoc. Apolo. paup. ra. 10. fo. 85.

77 L 1093

3



TA 702





III

unge / zu denen

durchleuchtigi

n vnd durchleuchten

nd Herren / Herren

rn / Behem / Dal

König / Infant

rtzog zu Oster

Burgundien

hern vnd

nch als

en vnd

hey

sch

/

riegsrü

widder den

s dem Latein ins

racht.

xxxi.